

bron van taal

u kinders hier op aarde dra in hulle wese met hart en mond
u hemelboodskap van tere liefde en koestering in hulle rond
selfs onbewus of vergete uit watter glansende Buiteoord
die suiwer harmonie van u goddelike klank en woord
hulle daaglik sorgsaam begelei deur die slagvelde
van hartseer of haat of 'n pynvolle stryd om te stry

die kosbare trillings van u stem is in onverganklike note
soos goudstof tot nadenke uitgestrooi oor die wêreldseë
deur eenwording ingeskuip met die Skepping se waterweë
en na duisende jaargetye uitgespoel op elke aardse strand
as pragtige siervorms vergestalt in ametisgetinte deininge
sinvol beteken deur u eggo se sproeipalet van eb en vloed

in verwondering opgetel en afwagtend teen die oor getulp
om te luister na die sagte roepstem van u lieflike brontaallied
en dit met die ligte oggendbries in te dra na elke landgebied
as herinnering van woorde op u skoot en aan u knie geleer
taalgeborge ingenestel as kosbare erfgoed onvervreem
uit die hede se verlede tot in ewigheid met U verheem

*Helena Liebenberg
17 Februarie 2011*

